

---

## RESOLUCIÓN ALCALDÍA 16 DE NOVIEMBRE DO 2016

**ASUNTO: CONTRATACIÓN DA SUBMINISTRACIÓN DE 4 MESAS CON 5 ASENTOS (TRONAS) PARA A ESCOLA INFANTIL MUNICIPAL (EXP.057-SUBMen16).**

Vista a Providencia da Concelleira Delegada competente, xustificativa da necesidade da contratación pretendida, faise constar que.-

1º.- De conformidade co establecido no artigo 138 do RDL 3/2011, de 14 de novembro, polo que se aproba o texto refundido da Lei de contratos do sector público (TRLCSP), a denominación de contratos menores, o é en consideración ao seu importe, que ten que ser inferior a 50.000 euros (IVE excluído), cando se trate de contratos de obras, ou a 18.000 euros, cando se trate doutros contratos.

Os contratos menores non poderán ter unha duración superior a un ano nin ser obxecto de prórroga nin de revisión de prezos (artigo 23.3 ex, artigo 89 TRLCSP).

2º.- De conformidade co disposto no artigo 9 do TRLCSP, son contratos de subministración "*os que teñen por obxecto a adquisición, o arrendamento, o arrendamento financeiro, e o arrendamento con ou sen opción de compra, de produtos e bens mobles*"

3º.- Nos contratos menores, artigo 111 TRLCSP, establécese que só se esixirá a aprobación do gasto e a factura correspondente expedida conforme á normativa vixente.

Porén, o Concello de Monforte de Lemos na base 33.2ª das de execución do orzamento do Concello, referida aos gastos menores, dispón que "*Cando a contía sexa superior a 1.000 euros e inferior a 18.000 euros, o expediente conterá unha proposta de adquisición razoada, detallada e valorada, debendo acreditarse a consulta a tres empresas, polo menos, salvo que resultase imposible ou inconveniente por razóns que deberán acreditarse no expediente*". Neste senso, constan no expediente tres orzamentos diferentes.

Por máis abastamento, a citada base 33ª.2 precisa que.- "*as propostas de contratos menores deberán remitirse para a súa tramitación ao Servizo de Contratación, para os efectos de comprobar que a persoa física ou xurídica proposta para a execución do contrato estea ao corrente das súas obrigacións tributarias e da Seguridade Social, non estea incurso nas prohibicións de contratar e que en consecuencia reúne as condicións para ser contratista coa Administración Pública, do que o responsable da oficina de contratación deberá deixar constancia escrita no expediente*".

A tal efecto, consta no expediente unha declaración responsable acreditativa das condicións de aptitude e capacidade do contratista, a cal terá os efectos previstos no artigo 61 bis do TRLCSP.

Sobre os efectos da declaración responsable, a Intervención xeral da Comunidade de Madrid no seu informe de 19.7.2007 emitido sobre un procedemento en materia de subvencións, indica que.- "*La declaración responsable, por lo tanto, dado que así lo establece su normativa reguladora y dado que se trata de un supuesto en el que está permitido por la norma sustantiva, es en sí misma, una forma de acreditación de las circunstancias que en ella se recogen, cuya validez para el procedimiento no debe ser objeto de duda, a no ser que existan elementos de juicio derivados de la documentación que obre en poder de la Administración concedente o que sea conocida por ésta, que permitan al órgano al que corresponde su valoración estimar que en la empresa afectada no concurren las circunstancias declaradas*".

4º.- Existe crédito para facer fronte ás obrigas económicas do exercicio do 2016 na aplicación 326.63200 do vixente orzamento xeral polo importe de 4.760,00.-€ (IVE incluído), o cal poderá ser contabilizado con cargo ao RC. 2016 22015018.

5º.- A competencia para contratar, de conformidade co previsto no apartado primeiro da Disposición Adicional Segunda do TRLCSP, atribúese ao Alcalde, sempre que o importe do contrato non supere o 10 por 100 dos recursos ordinarios do orzamento. Se sé supera a referida porcentaxe a competencia corresponderá ao Pleno. No entanto, dita competencia atópase delegada na Xunta de Goberno Local do Concello de Monforte de Lemos.

Por canto antecede, **RESOLVO:**

**PRIMEIRO:** Adxudicar, por “contrato menor”, a subministración de catro (4) mesas con cinco (5) asentos (tronas) para a Escola Infantil Municipal (EXP.057-SUBMen16) a D. José Manuel Paradela Pallares con DNI. 34.248.887-R e/r Chuzos, S.L. con CIF. B-27213537, polo importe de 3.933,88.-€, aos que habería que engadir 826,12.-€ en concepto de IVE (21%) o que supón un total ascendente de 4.760,00.-€, segundo orzamento que achega e que é o economicamente máis vantaxoso dos presentados (NRE. 14962/2016 de 16.11.2016).

O que manda e asina a o Sr. Alcalde, en Monforte de Lemos, a dezaseis de novembro de 2016, do que coma secretario dou fe e certifico.

O Alcalde

Asdo: José Tomé Koca

O Secretario acctal

Asdo: Jose M<sup>a</sup> Valcarce Rodríguez